

Uunga

Allannguutissatut siunnersuut

Uunga siunnersuut: Piginneqatigiilluni inissiat pillugit Inatsisartut inatsisaat.

Aappassanneerinermi Naalakkersuisunit saqqummiunneqartoq.

§§ 4-7-imut, § 40, imm. 5-imut, § 67, imm. 2-mut, § 80, imm. 1, nr. 9-mut kiisalu § 81, imm. 2
aamma 4-mut

1. § 4 imatut oqaasertalerneqassaaq:

” **§ 4.** Kommunalbestyrelsi Nuummi sulianut aningaasartuutissat tamarmiusut 45 %-ii tikillugit taarsigassarsititsisinnaavoq, taamaattorli taakku annerpaaffissaat § 3, imm. 2 aamma 3 naapertorlugit naatsorsorneqassapput, tassalu inissiamut ataatsimut taarsigassarsiarititassat annerpaamik 990.000 koruuniussallutik.”

2. § 5 imatut oqaasertalerneqassaaq:

” **§ 5.** Kommunalbestyrelsi Qaqortumi, Sisimiuni, Aasianni Ilulissanilu sulianut aningaasartuutissat tamarmiusut 55 %-ii tikillugit taarsigassarsititsisinnaavoq, taamaattorli taakku annerpaaffissaat § 3, imm. 2 aamma 3 naapertorlugit naatsorsorneqassapput, tassalu inissiamut ataatsimut taarsigassarsiarititassat annerpaamik 1.210.000 koruuniussallutik.”

3. § 6 imatut oqaasertalerneqassaaq:

” **§ 6.** Kommunalbestyrelsi Maniitsumi Tasiilamilu sulianut aningaasartuutissat tamarmiusut 60 %-ii tikillugit taarsigassarsititsisinnaavoq, taamaattorli taakku annerpaamik § 3, imm. 2 aamma 3 naapertorlugit naatsorsorneqassapput, tassalu inissiamut ataatsimut taarsigassarsiarititassat annerpaamik 1.320.000 koruuniussallutik.”

4. § 7 imatut oqaasertalerneqassaaq:

” **§ 7.** Kommunalbestyrelsi illoqarfinni allani nunaqarfinnilu sulianut aningaasartuutissat tamarmiusut 65 %-ii tikillugit taarsigassarsititsisinnaavoq, taamaattorli taakku annerpaamik § 3,

imm. 2 aamma 3 naapertorlugit naatsorsorneqassapput, tassalu inissiamut ataatsimut taarsigassarsiarititassat annerpaamik 1.430.000 koruuniussallutik.”

5. § 40, imm. 5 imatut oqaasertalerneqassaaq:

” *Imm. 5.* Pilersuineranut isumaginnittumut iluaqutaasussanngorlugit qularnaveeqqut piginneqatigiilluni inissiatillit peqatigiiffianni inissiamut ataatsimut 50.000 koruuninut nalunaarsortinneqassaaq.”

6. § 67, imm. 2 imatut oqaasertalerneqassaaq:

“ *Imm. 2.* Imm. 2. Imm. 1, nr. 1-imi aamma 2-mi aningaasartaliunneqartut ukiumoortumik ukiumi naatsorsuiffimmi ulloq siulleq erniap kisitsisitaanut 1,5%-imik ilallugu qaffanneqartarput. Aallaqqaatissatut akiliutit piffissami piginneqataassutip pisiarineqarfiani qaffanneqartarput, taamaattorli siusinnerpaamik atuilearnissamut akuersissutip suliarineqarnerani ulluliunneqartoq aallarnerfigalugu. Akilersuutit piffissamit akilerneqarfissaanit qaffanneqartarput, taamaattorli siusinnerpaamik atuilearnissamut akuersissutip suliarineqarnerani ulluliunneqartoq aallarnerfigalugu.”

7. § 80, imm. 1, nr. 9 imatut oqaasertalerneqassaaq:

” 9) Ukiuni tulleriinni marlunni ukiumoortumik nalunaarusianik kukkunersiuinermit peqatigiiffiup pigisaasa nalillit akiligassaasalu, aammalu aningaasaqarnikkut inissisimanerata eqqortumik takutinneqarsimannginnerat tunuarsimaarfeqartinneqarpat.”

8. § 81, imm. 2, imatut oqaasertalerneqassaaq:

” *Imm. 2.* Piginneqatigiilluni inissiatillit peqatigiiffiat ukiumoortumik naatsorsuutit kingumoortumik misissorneqarnissaannut kukkunersiuusumik naalagaaffimmit akuerisamik imaluunniit kukkunersiuusutut nalunaarsorsimasumik atorfinitsitsissaaq. Kukkunersiuisoq kukkunersiuineranut inatsimmi tamatumunnga aalajangersakkat sukkulluunniit atuuttut naapertorlugit siulersuisunut nalunaarusiortassaaq.”

9. § 81, imm. 4, imatut oqaasertalerneqassaaq:

” *Imm. 4.* Naalakkersuisut pisuni immikkut ittuni piginneqatigiilluni inissiatillit peqatigiiffiata kukkunersiuusumut naalagaaffimmit akuerisamut imaluunniit kukkunersiuusutut

nalunaarsorsimasumit ukiumoortumik nalunaarummik kukkunersiuiuinissamut suliakkiisarnissaanut piomasagaammik saneqqutsinissamut immikkut ittumik akuersissuteqarsinnaapput.

Saneqqutsinissamut immikkut ittumik akuersissuteqartoqassappat, kukkunersiuiuinissaq minnerpaamik naatsorsuutinik ilisimasalimmit isornartoqartinneqanngitsumit isumagineqassaaq.”

Tamatuma kingorna imm. 4 imm. 5-inngussaaq.

Allannguutissatut siunnersuummut oqaaseqaatit

Oqaaseqaatit nalinginnaasut

Siunnersuummi §§ 4-7-ip maanna oqaasertaata nassuiarneqarnerani nalornisoqarsinnaanerata paasineqarnera tunngavigalugu allannguutissatut siunnersuut saqqummiunneqarpoq. Taamaalilluni matumani illoqarfinni ataasiakkaani suliat pineqarnerat erseqqissarneqarpoq, tassalu illoqarfinni ataasiakkaani kommunalbestyrelsit pineqaratik. Tassalu allannguutissatut siunnersuuteqarnermi nassuiaanermi nalornissutaasinnaasunik inissiinissaq siunertarineqarpoq.

Tamatuma saniatigut § 40, imm. 5-ip allanngortinneqarnissaa siunnersuutigineqarpoq, tassalu piginneqatigiilluni inissianut ataasiakkaanut qularnaveeqqusiineq nalunaarutigineqarani piginneqatigiilluni inissiaatillit peqatigiiffiani tamarmiusumi qularnaveeqqusiinerup nalunaarutigineqartarnissaa erseqqissarneqarpoq.

Sanaartornermut Ataatsimiititaliap maluginiaqquaa piginneqatigiissutip aallaqqaatissatullu akiliutip qaffanneqartarnerat assigiinngitsunik ullulerneqarnera nikingasumik ukiumut naatsorsuusiortoqartillugu naleqqutinngitsuusinnaasoq.

Kiisalu § 81-imut allannguutissatut siunnersuut nalinginnaasuuvoq, siunnersuummi najoqqutassanik allannguinnissamik siunertaqarfineqanngitsoq.

Allannguutissatut siunnersuut aningaasatigut kinguneqartinneqassanngilaq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Matumani kommunit kattunneqarnissaat sioqqullugu oqaasertaliunneqarsimasutut Nuummi kommunalbestyrelsip pineqannginnera, kisiannili kommunalbestyrelsip Nuummi suliassanut taarsigassarsititsisinnaanerata pineqarnera aalajangersakkami erseqqissarneqarpoq.

Nr. 2-mut

Matumani kommunit kattunneqarnissaat sioqqullugu oqaasertaliunneqarsimasutut Qaqortumi, Sisimiuni, Aasianni Ilulissanilu kommunalbestyrelsit pineqannginnerat, kisiannili kommunalbestyrelsit Qaqortumi, Sisimiuni, Aasianni Ilulissanilu suliassanut taarsigassarsititsisinnaanerisa pineqarnera aalajangersakkami erseqqissarneqarpoq.

Nr. 3-mut

Matumani kommunit kattunneqarnissaat sioqqullugu oqaasertaliunneqarsimasutut Maniitsumi Tasiilamilu kommunalbestyrelsit pineqannginnerat, kisiannili kommunalbestyrelsit Maniitsumi Tasiilamilu suliassanut taarsigassarsititsisinnaanerisa pineqarnera aalajangersakkami erseqqissarneqarpoq.

Nr. 4-mut

Matumani kommunit kattunneqarnissaat sioqqullugu oqaasertaliunneqarsimasutut illoqarfinni allani nunaqarfinnilu kommunalbestyrelsit pineqannginnerat, kisiannili kommunalbestyrelsit illoqarfinni allani nunaqarfinnilu suliassanut taarsigassarsititsisinnaanerisa pineqarnera aalajangersakkami erseqqissarneqarpoq.

Nr. 5-imut

Pilersuinnermut isumaginnittumut iluaqutaasussanngorlugu qularnaveeqqutip piginneqatigiilluni inissiatillit peqatigiiffiannut, tassalu piginneqatigiilluni inissiatillit peqatigiiffianni piginneqataassutitut ataasiakkaanut pinnani nalunaarutigineqartarnissaa aalajangersakkami erseqqissarneqarpoq. Naalagaaffimmi oqartussaasunik akulerutsitsinani piginneqataassutitut ataasiakkaanut qularnaveeqqusiissutinik nalunaarsuisarnermut, kingusinnerusukkullu piginneqataassummik tassungalugu atatillugu inissiamik ataatsimik atuisinnaatitaanermik pinngitsaaliissummik iluarsiinissamut aaqqissuussinermik pilersitsinissamut sinaakkutissat pisariaqartut unioqqutsitsiviunngitsut atorfissaqartullu pilersinneqarsinnaanngitsutut naliliiffigineqarnerat tamatumunnga tunngavigineqarpoq.

Nr. 6-imut

Aalajangersagaq allangortinneqarpoq taamaalilluni piginneqatigiissutip aallaqqaatissatullu akiliutip qaffanneqartarnerat ukiumi naatsorsuiffimmi aallartinneranut atatillugu pisartunngorlugu. Piginneqatigiilluni inissiatillit peqatigiiffiata ukiumi naatsorsuusiorgia ukioq ilivitsaq malittariaqanngilaa, taamaalilluni piginneqatigiilluni inissiatillit peqatigiiffiata ukiumi naatsorsuusiorgia nikinganerani naleqqutinngitsoqarsinnaavoq.

Nr. 7-imut

Aalajangersagaq allangortinneqarpoq, taamaalillunilu ukiuni tulleriinni marlunni ukiumoortumik nalunaarusianik kukkunerisuiinnermi peqatigiiffiup pigisaasa nalillit akiligassaasalu, aammalu aningaasaqarnikkut inissisimanerata eqqortumik takutinneqarsimatinnagit taarsigassarsiat akiligassanngortinneqartassapput.

Allannguut piginneqatigiilluni inissiatillit peqatigiiffiata naatsorsuusiorterani kukkunernut amigaatinullu, tamatumalu kingunerisaanik ukiumoortumik naatsorsuutit eqqunngitsumik takutitsinerannik kukkunerisuiisup naliliisarneranut tunngasuuvoq. Piginneqatigiilluni inissiatillit peqatigiiffiata naatsorsuuserinnermini kukkunernik amigaatinillu aaqqiisinaanissaa periarfissinniarlugu, aatsaat kukkunerisuiisup ukiumoortumik naatsorsuutitut marlunnut tulleriinnut tunuarsimaartarnissaa siunnersuutigineqarpoq.

Kommunalbestyrelsip ukiumoortumik nalunaarut tunngavigalugu peqatigiiffiup aningaasaqarnikkut inissisimanagera kommunip peqatigiiffimmut taarsigassarsiarititaanut qularnaveeqqutitut naammannersoq pillugu kommunip naliliisarnissaa aalajangersakkami eqqarsaatigineqarpoq.

Nr. 8-imut

Kukkunersuiisup siulersuisunut nalunaarusiortarnissaa aalajangersakkami erseqqissarneqarpoq. Kukkunersuiisup kukkunersuiinermi allattaavinnut allattuisarnissaanut siunnersuut peerneqarpoq, suliassaq taanna inatsimmi allami maleruagassiuunneqareermat.

Nr. 9-mut

Piginneqatigiilluni inissiatillit peqatigiiffiata kukkunersuiisumut naalagaaffimmit akuerisamut imaluunniit kukkunersuiisutut nalunaarsorsimasumit ukiumoortumik nalunaarummik kukkunersuiinissamut suliakkiisarnissaanut piumasaqaat ullumikkut sumiiffiit ilaanni unammillernartoqartinneqarpoq, piginneqatigiilluni inissiatillit peqatigiiffii minnerit kukkunersuiisumik naalagaaffimmit akuerisamik imaluunniit kukkunersuiisutut nalunaarsorsimasut amigaateqarsinnaammata. Taamaallaat pisuni immikkut ittuni, aammalu kukkunersuiisumik naalagaaffimmit akuerisamik imaluunniit kukkunersuiisutut nalunaarsorsimasumit suliamik tiguisinnaasumik nassaartoqarsinnaatinnagu saneqqutsinissamut immikkut ittumik akuersissuteqartoqartarnissaa pingaartinneqarpoq. Aamma suliassamik tiguisoq naatsorsuuserinermik ilisimasaqartussaavoq, tamatumalu inuup suliassaqarfiup iluani misilittagaasigut uppersarsarneqarneratigut qulakkeerneqassaaq. Kiisalu saneqqutsinissamut immikkut ittumik akuersissuteqarnissamut piumasaqaataavoq, inuk kukkunersuiinissamik suliakkerneqartoq naalagaaffimmit akuerisatut imaluunniit kukkunersuiisutut nalunaarsorsimasutut kukkunersuiisuunngippat, inuk taanna isornartoqartinneqassanngitsoq. Tamanna ilaatigut pineqaatissinneqarsimannginnermut uppersarsaammik nassiussinikkut qulakkeerneqarsinnaavoq.